




**ILLUSTRISSIMI,
PERILLUSTRES, REVEREN-
DI, RELIGIOSI, PRÆNOBILES,
NOBILES, AC ERUDITI
DOMINI, DOMINI
BACCALAUREI.**



*Accedit hodie ad
Gloriæ, Honoris-
que Vestri thea-
trum in communi bonorum om-
nium plausu Viennensis Huma-
nitas, quæ eò de more evocata
devoti animi pendat tributum.*

*Quid illud? Lustra decem
Coronæ Viennensis Honori-
bus Vestris inscribit: Coronæ:
Hæc, muralis licet, Vestrata-
men lauris perennibus coronata
pegmata, quæ de Philosophia
optimè meriti, hodie conscendi-
stis, haud longè adumbrat. Ur-
bis Viennæ: Patriæ scilicet
Vestræ, quæ hætenus Vos nu-
triebat, tuebatúrque, hæc ipsa
de Laureis Vestris sibi spondet
olim præsidium, & ornamen-
tum. Lustra decem: non ætas
proxima, non remotissima pla-
cuit vetustas, è qua vobis co-
ronam texeremus: hæc à sæcu-
lo dimidio vel ex hoc demiranda
magis, quod tum amplitudine
lon-*

longè maxima superet vetustatem, ubi mole grandiores non nisi sæculorum diuturnitate natales suos metiuntur: tum elegantia ædium, eaque structurarum Majestate, ut adeò non Suburbii Urbem cingi, sed à civitatibus venustissimis Urbium Dominam ornari dixerim. Hanc igitur Coronam Laureis Vestris innectimus, quæ si decus non adjiciat, ipsa à Laureis Vestris certè accipiet ornamentum: quod ut indies nova honorum accessione augeatur, prolixè gratulamur.

Honoribus Vestris

Deoſi

PÖETÆ VIENNENSES.